

香蘇山館詩集

香蘇山館今體詩鈔卷十

東鄉 吳嵩梁 蘭雪

黎湛溪河督出示余自書舊作一冊且述近有誤傳余噩耗者菊溪制府屬爲收其遺集感賦一篇

已分騎鯨上碧霄餘生邂逅此歸橈觀空早悟身爲累
著句猶憐墨未消夜雪對床如有約謂李生榆村陶生香泉名山
作計總無聊酬知牋灑窮途淚添寄江潮又海潮

舟泊袁浦追悼陳竹香河督

漂母祠前艤櫂曾忽聞風笛愴難勝荒荒白日沉高樹

滚滚黃河帶斷水功罪百年歸信史升沉萬緒撥寒燈
平生車笠論交篤一慟銘幽愧未能

菊溪制府招同孫淵如觀察蔣爰亭劉金門兩侍

郎集不繫舟卽席賦贈

百戰威名一笑無新詩傳唱遍江湖雲泥何敢論交分
主客居然入畫圖中外嘉猷多入告東南民病未全蘇
願公霖雨周天下豈獨吾儕感涕俱

同淵如觀察過隨園尋往時拜梅花處悽然成詠

先生有見寄詩云芳訊經年一雁無仙才逸韻
滿江湖梅花清福知多少消得詩人拜不扶

種樹仙人返玉樓少年曾許共賡酬老梅記得當花拜

太息狂生也白頭

紛紛紅雪點青苔雙雀徐行影又迴應是吟魂花際出
酸香一陣送詩來

山中紅梅最多

陳薌谷

桂生

方伯邱南屏

樹棠

觀察招同孫淵如

觀察劉金門侍郎晚集瞻園

臣心如水戟門清仙侶招攜四座傾舊第中山今幕府
熙朝循吏古公卿雲依依宸翰非常麗月近元宵一

倍明文讌坐銷銀箭水讓他絃管沸春城

四圍寒綠映窗紗修竹依然一逕斜開甕愛傾新釀酒
到門先覓舊栽花

陳東浦方伯嘗館予于此

閒鷗照水身如雪病崔

看雲頂未砂惆悵東風吹別淚峭帆明日又天涯

孫淵如觀察邀同陳香谷方伯劉金門侍郎邱南

屏觀察集五畝園

江東霸業久荒寒

園爲吳王舊宮

小闢林塘計畝寬勝地春宜

邀酒客才人老愛署園官嶺雲捲幔收都盡湖水搖窗
畫亦難商略閒田須補種梅花三徑竹千竿

蓬島仙風宦海潮歸裝客易買輕橈衰親健飯全家喜
稚子貪書百慮消未了身名知有累且憑山水慰無聊
結隣許踐平生約移住青谿第幾橋

永濟寺

揚子江頭喚渡還崇祠今在翠微間憑添香草三閭淚

寺藏公手書擬離騷真蹟卻共孤雲萬劫閒

旁有焦孝然祠

人世風濤惟宦

海公身砥柱卽名山有田供祀書連屋願與詩僧約閉

關阮雲臺中丞建書藏於此黎湛溪河督楊北溪方伯捐俸置田詩僧謂借庵也

題明工部侍郎洪桂渚公遺像

國計人才數大端每持清議砥狂瀾貂璫氣沮回天易
黨錮名高得地難學豈過時猶感涕士能自貴不論官
千秋家法傳惇史莫作尋常世胄看

殊榮延世卷爲洪益受太守題

令祖奉宸公以徵恙特賜五合

材賦東南厚本根
褒榮異數荷便蕃
微生並出非常
賜奕世殊多未報
恩天上痼瘻猶一體
民間疾苦要詳論
貽謀賴有匡時業
清白還教勵子孫

題潘榕臯農部春渚烟帆圖

春山夾岸擁行舟
飛瀑千尋水急流
老去風懷消未得
畫眉聲裏看梳頭

烏絲闌寫碧紗籠
自製妍詞付小紅
從此水雲添笛譜
一枝香透玉玲瓏

竹枝宛轉共誰聽
細雨孤篷酒乍醒
自說看山吳越遍
無山可比富春青

詩夢低徊我卅年冬花吹雪玉成烟

蘭溪女郎玉烟能唱余擢歌奚鐵生

爲余作桐江詩意圖
冬花庵奚所居也

白頭更理諱春櫂只有先生是散

仙

樵青偕隱悔蹉跎孤負平生舊釣蓑莫怪展圖先下淚

故人妙墨已無多

圖爲亡友
汪澠雲作

過秋药庵贈馬叔安

履泰太常卽題鳴和集後

芸籤插架草堂深合與嘉名署雀陰得句倡酬惟父子
閉門城市卽山林藥儲特健方原妙花愛將離夢亦尋
事見集中我豈謫仙君賀監金龜換酒且狂吟

秋药前輩邀游烟霞洞理安寺

青鞋暫別釣魚槎洞室幽偏磽路斜一水定中惟石佛

萬松陰裏忽桃花

寺門所見如此

林烟是處疑燒筍穀雨誰來

看采茶卻憶廿年游賞地

余舊與郭曼卿

地餞春詩滿酒人家

生雲伯花南華秋槎何夢華倪米樓有餞春詩社奚鐵生繪圖

宋院本絡緯仕女圖爲何夢華作

緯車聲裏轉冰絲紅袖誰家醉舞時一角湖山秋已暮

美人心事暗畱知

秋翁自理安寺歸次韻見贈賦答

一筇花雨萬山深眾綠成天晝亦陰奇秀有峯皆石谷
修纖無樹不雲林野鷗久負溪邊約

梁山舟丈嘗約游九溪十八磽不果

仙蝶重來寺裏尋太常寺舊有仙蝶慶佑之中丞刻竹寫生于此摘句果然堪入畫寒閨擁髻亦微吟

讀秋葯翁近詩再用前韻奉答

但敎落筆便蒼深負手行憐一徑陰仙樂自然聞澗水
佛香無礙出風林人間榮悴君何有味外酸鹹我愛尋
畢竟老松多遠籟連宵雷雨又龍吟

同閨人游瑞石洞觀飛來石成道樹諸勝秋葯翁
適至遂與偕行且爲繪圖紀事次韻奉酬

仙山無處不芳菲爲愛尋真入翠微奇石嵌空雲一朵
寥天躡影雀雙飛謂丁野雀王守素夫婦春從樹杪堂堂去人又

花間緩緩歸誰信丹砂羅帶有西山舊隱隔烟霏

西山許仙

之妻詩云絲羅裙帶有丹砂

半山桃花盛開許玉年

乃穀秀才繼室徐叔芳女

史暨其女兒竹卿竹書邀閨人錦秋湖舫小集
十里衣香散畫橋臯亭山下更停橈浮嵐已是濃于染
豔雪生愁暖易消侵岸菜花黃蝶亂蕩空春水白鷗嬌
重來只噉胡麻飯記取仙源路未遙

贈馬梅泉小藥昆仲

畫如小米句斜川兩世論交也夙緣都說才名堪跨竈
但聞妙語已參禪岩茶款客過鄰寺風柳隨人上釣船

只恐瀛洲花信早清游難忘舊林泉

瑣吟竹秀才以移居詩屬和

君爲秋
莉之甥

詩巢頻換只鄉關路入寒溪古樹間開甕酒香濃透屋壓床書卷亂圍山才真似舅君無忝句不驚人我自刪若近南屏能買宅鐫題先與破屏顏

題張柳州都轉自寫味泉圖卽送歸遂城

綠陰十里遶溪斜雲液清鮮泛雪芽便飲西湖無此味誰知南易是君家君自號南易老漁養疴已作還山計寫照猶聞向客誇鄉夢分明吾較近自煎寒滌試新茶

藥叟爲張都轉作柳州圖

秋蘂詩高畫亦閒柳洲名字妙相關憑將南浦殷勤意
寫入東風澹宕間陶令鄉心寄松菊白公遺愛遍湖山
誰憐花絮成飄泊啼煞流鶯尙未還

柳洲邀集湖上復以手臨瑛夢禪韜光庵圖屬題
雲水光中打槳還使君風致太蕭閒鬱林載石猶嫌重
一卷惟攜畫裏山

清賞吾家二妙俱夢禪畫法石庵書

劉文清公嘗自書其詩夢禪爲余作

畫各一冊見貽是圖亦文清公題首臨池兼領游山趣畢竟風流讓老漁

題章次白梅莊

但能高臥卽神仙况有西溪屋數椽惆悵法華山下路

一林香過釣魚船

王竹嶼

鳳生

通守邀同荔叟游韜光靈隱諸寺

百道風泉萬竹聲綠天疑雨復疑晴山迎仙佛都如笑
水隔江湖各自明高閣藏書原韻事故人讀畫已前生
落紅處處堪沈醉且放歸船載酒行

是日觀書藏及瑛夢禪韜光庵圖

項秋子

塘

明經招集處逸堂賦贈

一櫂西湖自往還尋踪只在鷺鷗間花如靜女嬌臨水
雲似高人懶出山沽酒遙看旗影瘦題襟未許墨緣慳
草堂連日多清集不爲酬詩不款關

題文蘆庵所藏西溪探梅圖

谿橋風竹寺門燈微夜清游妙不勝十里尋香迷磽路
萬花踏影送詩僧雲粘高樹濃如墨月逼空波冷欲冰
只恐隣船都睡熟喚魚賒酒有誰膺

題許周生

宗彥

駕部鑑止水齋集

名山容易換朝簪除卻清游只苦吟三昧花參圓覺諦
千潭月印妙明心

用集中詩意

昆湖蕩槳空波闊粵嶠支筇

夕翠深讓我稱尊無佛地不將奇句寫東林

君五過廬山未及一游

鹿門偕隱古猶稀况誦新篇出翠嶂花氣一關侵袂重
葉聲三徑曳筇歸

用古春詩意

尋春君又迴仙櫂

近有臯亭看桃花詩

投老吾方畫釣磯

君爲余夫婦題
石溪漁隱圖

惆悵簫峰連日雨也

應沾溼鳳皇衣

簫峯在吾鄉西山
戴笠鳳皇翅溼

李海帆

宗傳

明府海上釣鯊圖

海闊天空此釣臺風絲裊裊下蓬萊鰲身怒坼雲三島
龍國平看水一杯莊以寓言爲傲吏白能痛飲卽仙才
人間多少持竿手只餌凡鱗亦可哀

海帆桐陰課子圖

破巢風雨自天來老樹何人念手栽今日碧雲涼透屋
孫枝最小亦琴才

清聲萬里鳳三雛家學公然繼老蘇莫怪白頭太傾倒

吾兒纔辨識之無

萬峯山房示詩僧小顛

卅年游興太懵騰此地幽尋悔未曾同社幾人今宿草

壁間有亡友洪稚存謝香泉吳白庵諸君舊作浮生何事不春冰半奩湖水明

山寺滿壁仙詩供佛燈天許孤芳留待我綠梅花與白

頭僧

小顛自營生壙種梅山中時惟綠萼未謝白云留以待我蓋年已七十六矣

書抱犢山人墓銘後

抱犢有奇士高情陶謝問種花營老圃採藥入仙山拄杖雲隨出扁舟月送還論交吾恨晚墓碣已苔斑

錢蕙窗

師曾

孝廉邀同望湖樓雨集

飛遍桐綿更柳綿綠陰移泊寺門前開窗三面都臨水
隔岸千峯欲化烟絕代好花初入夢依人慧鳥解參禪
莫愁燈火重城隔風笛猶聞落後船

蕙窗孝廉桐槐舊館圖

種樹十年高似屋臨溪一榭小于舟花陰暫立惟紅雨
書味纔回已白頭新釀連朝能醉客故園昨夢亦吟秋
結茅許借南園地烟月還來續俊游

曹味廉太守吳山放鶴圖

天外鳴臯林和靖鶴名影又還仙心只在白雲間清惟飲水
何妨瘦貴已乘軒也自問高唳久聞君繼響病身偏覺

我相關予有病鶴賦
樊籠一出歸飛易願與梅妻守故山

孫燭溪舍人碧山棲圖

一水空明涵古樹一樓飛翠入遙山花開冷處香逾妙
鶴步移來影亦閒紅藥讓誰吟日下白雲笑我尙人間
石溪也有三椽屋偏愛西湖久未還

謝文節公琴爲素江明經作

琴名號鍾其陰有銘曰東山之桐西山之

梓合而爲一垂千萬古下署疊山凡隸書二十八字

一硯曾隨賣卜還金徽零落又人間銘詞幸不污文海

字字遺民古淚斑

橋亭卜卦硯有陳文海銘

兵氣橫江白雁來廟堂彝器總成灰傷心似聽桐君語

可惜江南少異材

本傳語見

身世蒼涼幾伯牙

伯牙有琴亦曰號鍾

團湖戰潰已無家履霜一

操天俱凍開遍冬青樹樹花

故宮花石海天潮進入哀絃此七條同調只應文信國

松風夜雨共瀟瀟

信公自題琴陰詩有松風一榻雨瀟蕭句

次韻答素江

松濤石瀨自清音才撥湘絃惜已深古調况彈風雨夜
新詩俱作鳳鸞吟脫身人海先迴櫂投老空山合抱琴
莫以曲高愁和寡寒闌操縵有同心

許玉年作梨花白燕圖

一雙玉剪剪東風冷
豔清香訝許同惆悵歸期逾社日
草堂今在白雲中

王夢樓太守爲余題舍曰梨花詩夢草堂

爲玉年原配徐夫人題花卉遺冊

脂粉餘香黯未消
雪天點筆又花朝
展圖莫更彈清淚
管領春風是小喬

繼室淑芳女史亦善畫卽夫人妹也

王尺魚秀才有竹山房圖

種竹吳山麓
團茅結小齋
昨宵雷撼榻
無數筍穿堦
仙骨自然瘦
孤吟誰與偕
林間宜把臂
踏雨換青鞋

理安寺前山翠橫
弢光庵下湖水明
爭似坐君茅屋裏
風枝日日瀉泉聲

十四人尋畫裏詩胸中邱壑自家知吾詩下筆忘人我
頗似湖州畫竹時

汪心農太守守梅山館圖

喬木蒼然閱廢興似聞仙鳥語伽陵雲迷綠野重來路
樓見黃山第幾層寒月影移官閣樹落花香入小池冰
病身我比鳴臯瘦欲守家園恨未能

桐木舊因丞相重牡丹看到子孫稀趙家一鶴風流甚

况有梅花種武夷

清獻公手植紅梅
今在崇安縣齋

清唳翛然聞在陰孫枝又見長盈尋寒香熏透書千卷
莫負先公手種心

許玉年招同汪已山郎中游理安寺虎跑泉歸集

小顚僧舍

纔離塵海卽諸天竹暗溪明路又偏龍化壽藤飛遶樹
虎搜奇石怒奔泉美人駿馬佳公子古佛名花老謫仙
慧眼只將平等看湖山綺麗總雲烟

郭小茗東岱袖雲圖

拄杖曾臨封禪臺萬峯浮動亂雲堆誰知海岳青蒼氣
都被詩人袖捲來

布帆前日過瓜洲苦爲看山愴昔游

謂王夢樓鮑雅堂諸公及君家厚庵

讀畫而今胸臆闊金焦兩點只浮漚

秋葯翁有僅屠桐塢投詩乞和戲疊前韻答之
也隨行屐也浮槎也愛尋詩帽影斜十里看山扶竹杖
一枝臨水掬梅花才如頰士甘磨墨癖似盧仝替煮茶
合覓小鬟爲韻侶青衣唱和又成家

叔安太常招飲賦別

赤手曾經拔虎牙閒身歸臥只烟霞已煩白髮題詩扇
重費青錢擲畫父奴僕命騷眞絕唱神仙偕隱未移家
卜鄰願買三間屋同飲湖光飯落花

題董東山尙書倣沈石田梅亭詩意圖爲許小范

治中年丈作

老梅清瘦著花疎香入空亭得句初領取逋仙詩氣味
拈毫俊煞董尙書

金碧樓臺院體工高寒誰繼石田翁郤輸供奉
南齋叟心在疎香淡影中

題阮小雲員外琅嬛仙館圖兼寄梅叔秀才

萬卷縱橫屋數間洞天原是小琅嬛仙雲欲溼吟邊樹
夢雨同尋畫裏山重覓故人王叔畦花步去合添新句竹
林間梅叔曲江亭子能招隱一櫂終期共往還

孫嬾雲別駕有明詩僧澹歸舊硯一方朱素卿女

史手製繡囊以貯且卸髻上玉簪琢籤爲飾屬

詠其事

一硯隨身入梵宮滄桑小劫太怱怱溼靄數點梨花雨
香透千番貝葉風囊錦替裁雲細膩髻釵親琢玉玲瓏
美人鄭重情無限七寶裝函笑俗工

題王竹嶼通守松楸丙舍圖次韻姚姬傳先生

六代青山帶水鄉離愁渺渺櫂歌長東坡縱愛西湖好
彭澤何堪舊徑荒丙舍三間松葉暗春塍十里菜花黃
結鄰有約吾投老廡下還容借孟光女公子欲與閨人同居學畫

題瞿花農通守漢臯贈別圖

一笛梅花二十年美人名士總成烟誰知漢上題襟客

重上西冷載酒船官似白公非謫宦詩如坡老妙通禪
布帆我亦凌潮去莫遣玲瓏唱別筵

周松泉畫卷

樹杪浮嵐翠埽空半江烟水又濛濛一篙斜倚秋陰裏
錯認吾家舊釣篷

白雲亂湧碧芙蓉瀑水天風自卷舒道似桐江渾不信
雄深一半是匡廬

詩中有畫畫中詩石谷漁洋妙一時我欲與君分變態
千巖萬壑是吾師

題陳棠湖

備來

對廬書屋圖

書屋落成尊甫東

浦方伯已卒于官

甘棠湖水綠一半浸廬山坐擁書千卷憑添屋數間平
泉餘手澤退谷待身閒五老應惆悵仙雲暝未還

少孤君晚秀鳴鶴有遺音願肆爲山力毋忘種樹心朱
陳吾舊侶葛鮑此幽尋君擬同外舅曾賓谷中丞往游弱女能拈管清

詩和竹林

吾女小茶君姪婦也

東浦先生嘗爲賓谷中丞題西溪漁隱圖詩云我
心願同歸我退不可需雖無天下勝甘棠息柔
榆今中丞以乞養歸而先生已久入道山故跋
此圖卷尾復引前詩讀之愴惻再題二絕兼柬

中丞

公在瞻園話故山扁舟便擬載書還誰知烟水亭邊夢
只許沙鷗一味閒

亭卽在對廬書屋之後

茅屋年年長薜蘿同歸始願竟蹉跎白頭才結青松社
爭怪溪漁暗淚多

寶陀庵在積烟山舊爲宋安撫使陳公偉節祠栗
主尙存墓在祠外求之不得今居琯溪者其裔
孫也

孤忠埋骨地戰壘有香烟路入松陰裏山飛瀑布邊夕
牛歸野牧寒衲坐枯禪欲問興亡事鐘銘不計年
一笠衝寒到蒼藤覆寺門潭深龍入定祠廢佛稱尊壞

磴通泉脈崩厓出樹根穹碑誰表墓待訪琯溪孫

題石谿漁婦畫扇

斜風吹溼鳳皇衣昨自簷壇冒雨歸烟裏數峯如潑墨
又尋詩夢到柴扉

賓谷丈覽余麻源近作有詩見懷賦此奉答

一別銅陵鬢已斑桑田幾日換人間鶴因倦舞辭華省
泉爲懷清戀故山水閣白庵昆仲舊居重游如續夢雲莊偕隱
未緣慳曾密公別墅即在山中結鄰便欲攜漁婦謹母花姑共往

還

義泉寺

閉戶疑風雨開窗午月晴不知嵐翠重惟愛夜泉聲野趣閒中得天香定後生一龕宜送老吾已謝浮名

菡萏禪林

蓮性通三昧靈山此結胎根無世法染花爲善心開甘

露清涼遍香風智慧來會須參覺分彈指卽樓臺

華嚴經曰

心花三昧又曰如蓮花心一切世法不能染故又曰如芳池日能開一切善心蓮花又曰覺分菡萏華

揖雲橋

明月依然似昨宵白鷗導我過溪橋貪看松影移冰簾細聽茶聲煮石鉤衣上洞雲猶溼溼笛邊風葉又蕭蕭一竿便有江湖興漁弟漁兄久見招

爲艾生傭孫題負米晚歸圖

一飽因人已自傷
門閭何況鬢俱霜
才高莫恨遭逢晚
游倦才知菽水香
我識慈烏最辛苦
誰憐饑鳳有文章
卅年暗淚今同滴
階下葵花又夕陽

余有夕葵
負米圖

題余生芝衫秋林覓句圖

紅樹青山遶院牆
閒居鎮日爲詩忙
泉聲落葉疑疏雨
人影寒花共夕陽
誰道鑄金如李洞
君能得髓卽蓮洋
木樨風裏吾無隱
三昧同參自在香

題李生湛然眠琴綠陰圖

一院清陰散午涼
綠雲如水瀉琴牀
雨餘桐月凌秋出

絃外松風入夢長誰畫遙情寄林壑吾詩細意譜宮商

寒聞指法初能會也覺梅花有暗香

湛然以余詩譜入琴曲有冷香吹遍

綠梅花句內子亦能傳之

月夜獨游石谿徘徊至曙

萬塵中夜息身世忽空明水定溪花臥烟昏嶺月行涼
涼孤鶯影咽咽亂蛩聲人海方同夢誰知換五更

小谿

嶺石沿村盡新涼驟灑襟沙魚行見影谿樹臥成陰橋
路通何處祠門閉獨深無人知野趣鷗鷺與追尋

五里橋

村遠斜陽盡遙天入暮青嶺雲低壓樹田水定含星路
暗燈初滅溪涼酒漸醒隔林聞犬吠籬柵未全扃

秋柳

細雨斜陽送六朝歸鴉影裏又蕭蕭綠窗深鎖誰家樹
紅板低迷舊日橋笛裏那堪聞怨曲樽前最怕損長條
鶯花老去成孤負自倚危闌聽晚潮

閨人以林和靖水邊辭落忽橫枝句繪圖爲題二絕

澹墨依然瘦影斜梅妻風韻埽鉛華連宵香透孤山夢
應記前身是此花

梅影琴橫月影涼疎籬淺水幾昏黃如今悟入人生花筆

琴未彈時已暗香

聞人用莊女暗香事名所居曰琴香閣又蓄一琴曰梅影

題楊春妍女史萬綠樓詩鈔

魯一變室人楊春妍女史著

清詞麗句費研磨道是香奩奈爾何參透離騷秋氣味
美人香草淚痕多

伉儷奇蹤海外求詩仙劍俠總風流吾門桃李唐營遍
佳句應傳萬綠樓

清華寺探梅

清華寺外水天澄隔岸西山喚欲膺聞說黃梅花信早
自移釣艇款琴僧

香蘇山館今體詩鈔卷十

香蘇山館詩集

十

香蘇山館今體詩鈔卷十一

東鄉

吳嵩梁

蘭雪

陶桓公祠

清談舉世擅風流獨以威名鎮八州奉母貧猶甘小吏勤王志豈薄諸侯惜陰早念師神禹對泣何當效楚囚花下詩孫能醉卧柴桑只紀晉春秋

王荊公祠

治術平生薄漢唐致君堯舜豈文章早知紅鶴非吾侶善用青苗卽社倉憂國心惟天可鑒名山身與世相忘挾書我愛俞清老驥背從游幾夕陽

虛舟

虛舟故在蓼灘橫人海餘波尙未平書味漸甘身境苦
世緣先死道心生濃霜犯曉花偏放苦雨連宵月自明
參破香嚴無墨礙懸厓撒手且孤行

慙負

霜鬢蕭條不滿簪桑榆暮景已曖駿才華退盡名都減
憂患頻更悟已深親在歸田應早計老來誓墓豈初心
平生出處多慙負莫向儒林傳裏尋

遙觀

卅年荆棘與波瀾老去迴思淚未乾煮豆然萁憇太急

旣蘭滋艾願常寃誰知恩怨非恒理且以身名付達觀
泛宅攜家隨地好五湖生計有漁竿

晚蕙

蜂蝶紛紛過別家素心原不慕繁華一叢向晚幽香發
知是青蘭共氣花

新筠

庭院新栽玉兩竿粉霜觸手未曾乾可憐生小多風韻
翠袖嬋娟媚薄寒

瘦菊

疎枝瘦葉耐新霜荆棘叢中亦自香憂汝後時難獨立

用
句一花破涕望重陽

蠹柳

弱柳原難望插天依依嫩綠漸成烟誰知心蠹身先朽
孤負春風二十年

惡藤

斬伐因循滋蔓多託根得地附喬柯蒼松特立原無礙
雪壓冰摧奈汝何

刺花

小朵濃花也自開誤因顏色暫低徊折來纖手嫌多刺
分付園丁別處栽

寄朱穎艤

山郭蕭然汝水東喜聞化俗有文翁
關心民力凋殘後拭目人才長養中
百穀滋生因膏雨萬花吐氣爲春風
瓦盆泥飲吾先醉也逐村氓禱歲豐

瓶花

幾日春陰喚子規隔窗風雨又離披落紅萬點愁成海
瓶裏桃花總不知

題王邦直廣文林於山館

學舍何妨小似舟萬竿深綠借牆頭雨餘新筍行穿砌
花外春山笑入樓仙釀鑑湖容我醉異書唐述許人求

鶴陰有子堪鳴和

謂掄堂明經

同話匡廬亦俊遊

余有山水癖念昔賢多同調者輒紀以詩

采石危磯捲怒濤詩樓只合畫離騷青山明月今猶艷

會見先生宮錦袍

李太白

巨斧摩天孰敢勝峩眉天半雪嶮嶒後來蘇陸探奇偏
第一開山讓少陵

杜子美

五字超然思不羣襄陽絕唱更誰聞幽尋偏愛王摩詰

行盡青谿看白雲

王摩詰孟浩然

萬壑千巖各異姿蘇州澄澹柳州奇江山妙處憑誰領
都似幽人卷裏詩

韋應物柳子厚

山水文章似性情詩篇蘊藉入琴聲醉翁一操堪千古
夜夜風泉瀉月明

歐陽承叔

嶺雲江月句誰能一代雄才管廢興健筆鬱蟠龍虎氣
看山只合住金陵

王半山

樊口西湖最有情嶺南游興冠平生海天空闊同胸次
萬里仙槎泛月行

蘇東坡

生平涉世是虛舟醉眼公然槩九州閱盡人間奇險處
月明原不涴黃流

黃山谷

巫峽雲深神女祠成都錦瑟萬花園夢中偏渡桑乾磧
戈馬如雲破賊歸

陸放翁

講學游山妙悟參武夷九曲恣幽探採芝恐受神仙謗
知已平生陸渭南朱子

酷愛蓮花又愛山羅浮廬阜浩歌還欲知道妙無窮處
只在光風霽月間周子

歸卧高齋德未孤溫山就養老堪娛天台雁宕游蹤徧

一鶴隨身似舊無

趙閑道

戎裝駿馬載雙鬟洞府春風幾日聞學道龍邱偏趺宕

遍攜紅袖看青山

陳季常

讀華嚴經

覺爲性海智橋梁垢濁稠林照不妨蓮花心豈染世法

甘露語自生清涼頭陀所得在知足童女出來多善光
我從解脫得三昧諸佛皆聞無礙香

記坡公軼事

悽于秋夜悅于春明月何曾有舊新花影簫聲堪一醉

閨中語妙似詩人

王夫人

瘴海相隨亦可憐維摩天女共參禪六如亭子今無恙
合種梅花買墓田

王朝雲

石室攜家愴昔游冰車鐵馬奏涼州胡琴一去無消息
再看桃花已白頭

胡琴婢

烏臺詩案費消磨遷客餘生又網羅窺客猶傳都監女

美人畢竟愛才多

鄭女

明月笙歌在翠微扁舟每到夜深歸西湖一別花如雨
記得金籠放雪衣

周龍

笠風屐雨大飄零海外江南似昔經不是阿婆能棒喝
先生春夢待誰醒

春夢婆

百花洲雜詠

集杜九首

幽獨移佳境柴扉永不關時聞繫舟楫幸不碍雲山花
密藏難見鷗輕故未還吟詩坐回首轉益鬢毛斑

用拙存吾道將詩待物華地幽忘盥櫛亭古帶蒹葭上
客迴空騎湘娥倚暮花片雲天共遠直擬泛仙槎

霧樹行相引江風亦自波故人憂見及佳句法如何名

豈文章著衰慙應接多甘從投轄飲吾醉亦長歌

吳梅岑詹

事林少穆編修典試出閣傳石波
太常督學粵東過此存問良厚

孤月當樓滿傾壺就淺沙寒魚依密藻秋竹隱疎花久

露晴初溼浮雲薄漸遮捲簾猶照客細細酌流霞

王賜山廉

使張古愚太守鄭夢白方石

亭兩明府先後攜酒來會

薄劣慙真隱投林羽翮輕相看多使者旅食豈才名軍

吏迴官燭郵籤報水程欲陳濟世策回首淚縱橫

蔣礪堂尚

書還督兩廣王首座督學受代大都公謙
于此雲臺中丞今亦移節河南行有日矣

紗帽隨鷗鳥江天足芰荷薄雲巖際宿秋水席邊多茅

屋還堪賦柴門 豈重過哀絃饒白雪 且得慰蹉跎
集山谷寄吳玉松太守

閉門抱幽獨但觀草木秋市聲塵午枕淨室見天遊外
物固難必元功吾與謀身爲胡蝶夢歲晚得莊周
忽解扁舟去挽依不可留白雲曲肱臥江水拍天流餘
事寄一筦向來身百憂世緣心已死方可與同遊

元日用東坡句續成一詩

白髮蒼顏五十三年來道味已粗諳才非用世生何補
早不歸田夢亦慙萬事回頭仙落劫一燈投老佛同龕
自憐尙有梅花癖尋遍谿西又隴南

清明謁太宜人墓

堂上回看鬢雪侵出山當日幾沉吟誰知麥飯梨花地
傷盡春暉寸艸心辛苦登天求一第蹉跎愛日負千金
如今追悔知何及再拜新阡淚滿襟

將游嶺南留別曾賓谷中丞

嬾漫心情野鶴知西山已是隔年期夢中猶蠟登臨屐
門下爭鈔唱和詩廬阜九峯高卧穩麻源三谷耦耕遲
幽尋卻被游蹤誤風雨羅浮似合離

新洲曉發

鵠語迎吾櫂初程喜順風西山猶眼底南海已胸中人

事多淹滯天心閔固窮一帆能破浪遲暮亦遭逢

豐城阻水

昨日維船地平田梗稻栽今朝荷鋤者雙槳劃波來
圃廢高蔬價村虛斷酒杯遙憐幾茅屋終夜畏傾頽
此邑稱繁富年豐足羨餘偏灾今已見晚熟定何如旅
泊猶飢雁民生豈壑魚輸將關國課慎勿飽奸胥

水村

隔岸誰家屋數間小樓平對水窗閒門前綠漲昨宵路
樹杪青浮何處山團飯未妨鷗鷺狎乘槎曾傍斗牛還
桑田滄海尋常換只恐麻姑鬢亦斑

舟行脫險書以自懲

百丈繫高樹牽船纔緩行險隨奔浪轉深悔解維輕躁
進原多誤危機忽自驚息心仍小卧忠信託浮生

移泊後五更復睡忽夢循溪而行沙明水淺東風
暫來落花如綺此身已化蜻蜓坐花瓣上飄然
若舟仙乎仙乎人生一切幻境皆由心造業海
浮沈備諸苦惱自達者觀之險夷同致物我俱
忘則任天而動亦安往而不自得耶

寒谿沙水太清冷何處飛紅點斷萍笑坐仙舟花一瓣
不知我是蜻蜓

端午日阻風石港

探奇未到越王臺
令節蹉跎對酒杯
照海奇花知已徧
連天芳草夢初迴
怒濤欲捲千峯去
病叟仍扶一櫂來
今日羅浮山頂客
應騎仙蝶下蓬萊

樟樹鎮王文成公書師處

義旗席捲渡江迴
百萬樓船一炬灰
但使封疆存畛域
豈能埽蕩疾風雷
纖兒弄柄危神器
猶吏知兵卽將才
畢竟格心資道力
九華宴坐有誰來

懷故通守徐丈袖東

桓霜花下百壺酒
主人白頭我少年
今日少年頭亦白

舊游隔世水連天一燈黯黯搖殘夢雙槳冥冥入暮烟
把酒看花猶共醉不知身在運租船

詠物二首

飲食太高潔鳳皇猶忍飢琅玕有佳實還向故山飛鳳皇鸚鵡

文采終爲累能言事始多忘機江上鳥終歲狎烟波

雨中看月有會

驟雨不數點瀟瀟聞打篷俄看雲過影不礙月行空世
法但如此吾心當與同飄然移櫂去忘在逆流中

掛帆

飽經波浪掛帆遲進退平生只自知一葉飄然吾美睡

逆流也有順風時

大雷雨泊峽江縣

好山遙望若蓬壺纔擬將身入畫圖
烟雨誰知成變幻 峯巒渾訝入虛無
聽殘點滴孤篷卧響似芭蕉萬葉飈
卻憶南湖天水合也應難辨舊香蘇

歐陽文忠公祠

拜公畫像讀公詩曾折荷花薦壽卮
魏鄭之間推國老孟韓以後此宗師
天完大節生何恨龍賞高文事亦奇
畫徧荻灰無寸報傷心我亦少孤兒

文信國公祠

狀元宰相孰如公正氣能持國運終天入厓門真慘澹

人歸柴市自從容及門生祭原多事窮海偏安豈偉功

一尉勤王參幕府釣臺遺恨至今同

先祖新溪先生參公軍幕事見鄧光

薦續宋書文丞相附傳宋史及公集中並軼與謝臯羽同

江岸

怒濤滾滾赴奔霆險阻頻年此未經客路早過端午日
江天誰指少微星崩厓作岸雲猶紫卧樹成橋葉再青
卻愛風泉高處落穿林度磽總清冷

月夜

青天白雲不可埽一雨纔過中夜明長江浩浩自千古

片月皎皎臨三更沙鳥酣嬉皆熟睡草蟲鳴咽猶爭鳴
乾坤如此任飄泊萬事波瀾孤懼輕

阻風頗有歸意

鄉思連宵夢亦慳計程早合過梅關誰知陸賈城邊客
猶望虔州界上山高浪天浮千嶂動扁舟我對一鷗閒
壯遊畢竟輸偕隱願趁長風送客還

葭蘆嶺晚步

葭蘆嶺下今仍泊惶恐灘頭昨已來山木盡隨風浪偃
岸花低傍水雲開人牛路狹不吾觸魚鳥江空寧汝猜
行到石敲橋斷處沿畦仍覓舊蹤迴

讀東坡詩

游山渡海豈前期
夢裏投荒醒不知
雲散月明無我相
水流花放卽公詩
憂患妙得偷閒地
謾謗翻深學道資
吾悔羅浮來較晚
多生抱朴敢同師

雨夜

江風浩浩雨冥冥
逆浪兼旬阻去程
十八灘頭雙鬢白
二三更後一燈青
道書堆裏疑唐述
仙樂夢中聞洞庭
鄰舫何人吹鐵笛
夜深防有老龍聽

八境臺

嚴城鎖鑰資雄鎮
傑閣登臨此夕曛
遷客才高惟攬勝

勤王義憤早迴軍雙江五月連檣雨百粵千峯一杖雲
懷古有誰增祀典願磨貞石紀前芬

謂蘇文忠公
王文成公

歐塘

江風澹澹水迢迢日出長林宿霧消篙力健隨人影動
櫓聲柔入浪花搖鏡中事業看雙鬢身外詩名付一瓢
忽聽稻畦懸瀑下鄉心又過石谿橋

南康道中

江流不似向前渾飲水從今悟有源雲岫千層明又暗
風蟬幾樹寂中喧野人漸喜能爭席山鬼何須避築垣
一陣茶香醒午睡自臨石瀨弄潺湲

大庾感舊詩二首

國家恩重故山輕白髮原期輔太平一德忠勤酬

聖主千篇磊落愛狂生性磨憂患窮仍在名愧文章老

未成已分死灰吹不起

西州淚又萬行傾戴文端公

北谿中丞昔謂余至性英氣不可磨滅又取東坡稱山谷文章絕妙當世孝友追配古人二語書楹帖見贈

少年奇氣太縱橫才福常憂不易并三楚看山持篠節

干花簇騎入蓉城吾儕自悔遲聞道造物何嘗肯忌名

掛劍此來尋舊約遺書手校似前生

李介夫編修君長余一歲以弟

畜余每謂名者造物所忌癸酉送余出都有詩云聰明化樸拙庶幾才福并今余尚在人間而君以甲寅典試

湖南未久下世其詩舊爲勘定聞

趙笛樓方伯已代刊惜未見也

過梅嶺謁張文獻公祠

梅鋗戰蹟已寒灰，翠壁千尋鑿險開。
蛛網不聞金鑑錄，馬嵬爭見玉環來。
少牢遣祭恩徒重，秋燕緘詩事可哀。
薦士誰知心更苦，荔支晚出是奇才。

詩家砥柱比雄關，高格能追正始還。
太白子昂同調少，開元天寶抗懷間。
古風可作今誰繼，生面能開卽此山。
嶺海故人相望久，應將妙句浣離顏。

讀張子壽荔支賦李習之峽山詩序有感而作

峽山地不副天奇，西掖無人讚荔支。
金刹未遊謗亦妄，瑣槧親咽味纔知。
盛朝得士苛求少，寒地生才眾賞遲。

衰白爲誰增感觸張公賦序李公詩

始興江口

微雨貪涼午睡遲倦魚灘過不曾知一聲柔橹千山動
敢忘顛風逆浪時

新黃口夜泊

早因苦筍脫朝衫多事如雲一笑芟水與曠懷同浩蕩
山將詩骨鬥巉巖青天白月容高枕大浪長風看飽帆
自笑石谿老漁父蓮花曾帶鏡湖銜

聽潮

浩月澄空夜寂寥忽驚雷雨動山椒白頭來踏金鰲背

萬里天風盪海潮

粵秀山用壁間曾賓谷中丞韻

紫海鯨波靖青天蜃氣開吾儕自清詠下界已驚雷濟
世原奇略求仙亦俊才祇應南漢月曾照舊歌臺

越王臺

翠羽黃金萬騎迴至今朝漢有高臺不逢陸賈非完節
能用眉珠亦霸才娛老自稱南越長託孤猶爲故人哀
劉郎選勝惟謌舞宮女如花葬綠苔

陸大中祠

一詔全勝百萬師臣佗從此領蠻夷書生奉使恩原重

老尉憐才遇亦奇朝漢臺高持節地安劉策定散金時
著書我愧無新語快事惟誇啖荔支

馬伏波祠

銅柱功成絕徼開中興曾仗此雄才故鄉款段游山去
窮島樓船破賊迴老病猶能衝瘴海勳名不許畫雲臺
烏金願斲梁松骨慧以明珠萬古哀

虞仲翔宅

羲經一卷費編摩蛋雨蠻烟歲月過白髮久知鄉夢斷
青蠅爭似故人多明珠身後誣新息香草生前弔汨羅
妻非千秋同此恨孤忠遺廟壯山河

三元宮

百尺高臺擁粵華
棋聲幡影認誰家
呼鸞道廢雲初合
騎鶴人歸月未斜
嵐翠潑衣如過雨
天風吹我欲乘槎
俊游可惜來偏晚
不見紅棉照海花

海幢寺納涼卽題謝理甫太史畫卷

丹厓翠壁虛無裏
快雨清風頃刻間
我爲新涼貪午睡
夢騎仙蝶也游山

鄭仙祠

東海騎鯨事等閒
避秦也到白雲間
蓬萊仙棗如瓜熟
徐福樓船尙未還

葛仙壇

抱朴曾留內外篇
金丹可是鮑翁傳
人間兒女殊多累
快婿難求葛稚川

鮑姑井

玉鷲峯頂躡雲車
遺井猶聞此鍊砂
臨水許分偕隱地
雙修我只飯梅花

終子雲故里

少年奇氣已無偷
不獨才名擅白麟
關吏莫輕書劍客
請纓即是棄繻人

楊孝元廢宅

暮氣繁華眼倦開朱門幾日付寒灰高情誰比楊居士
手種青松帶雪來

花塢

別苑笙歌記盛時萬花如海擁蛾眉而今剩水殘山裏
只有人家種荔支

花田

風月誰聞笑語譁晚香吹徧素馨斜可憐栽滿閒田地
都是珠娘壓鬢花

荔支驛

万物尋常未足奇驚塵濺血感當時仙舟今貢珊瑚樹

一葉凌空去不知

雙榕社

一夕風雷替主盟連枝從此擅佳名幽花合種鴛央社
惆悵紅蘭是寄生

紅梨寺

瘴雨蠻烟寂寞開紅梨當日爲誰栽道人自有看山癖
不是花時肯獨來

葉小鸞眉子硯

硯有三姊妹各得其一

小池細雨溼梨花想見修蛾照影斜留得一彎新月樣
不知雙硯落誰家

眉珠

雒田潮退雒民耕雒將銅章喜用兵不是眉珠能報越
安陽神弩太縱橫

眉嬾

眉嬾眉綠似春山雲馭曾從紫禁還王島十洲都繡出
始知仙界在人間

題吳石華孝廉二圖

風雪入關圖

萬里飢驅鬢未斑玉門也要賀生還風雲氣入笳聲壯
冰雪心憐馬力辱雁帛有書傳絕塞琴裝無稅過嚴關

從今莫作封侯夢飽看梅花卧故山

荔村圖

邊徼歸來認草堂荔支一笑喜初嘗溪山繞屋惟寒翠
風露開門有異香舊侶聯吟參木客新詞按拍選珠嬾
紅雲一宴風流盡輸與才人破錦囊

廣州倫文敘明會元狀元子以訓會元榜眼以諒
解元進士以詭進士先祖儀元進士子裕榜眼
伯宗由解元中明初狀元皆少探花兩家子孫
當有補此缺典者輒爲賦詩以發其端

倫家科第似吾家蕊榜三名望豈奢卻待兒孫完盛事

五仙觀用唐人韻

楚庭舊蹟早成烟誰信重來是謫仙崖石古留青蘚字
洞房香透白雲天騎羊已失三霄路飼鶴難求二頃田
只要此心除熱惱火坑何碍種冰蓮

中秋日李秋屏農部招集春靄堂觀劇間行至張
墨池荷香館踏月夜歸

綵袖翻雲玉笛催金波灔澦倒深杯當歌忽避華筵去
踏月還尋冷客來衣露微侵花徑溼荷風全透水窗開
縱然不是中秋節也愛扶筇日幾回

答陳仲卿

湛若才高脫世氣冷冷仙語更誰聞九歌幽怨能同調
一意孤行汝不羣花地彈箏餘涕泪海天潑墨總烟雲
中聲待聽朱絃奏莫縱疎狂到十分

答劉三山

姓字居然壓黨魁未應一斤壯心灰客因避熱經年謝
門爲投詩破例開甘作頑仙猶縱酒似聞傲吏肯憐才
謂仲
柘庵平生詩骨同堅瘦只合還山拜老梅

張無山明經邀集山響樓晚眺

笙鶴飄然自往還花宮杳靄又松關偶支瘦策臨滄海

誰奏清琴響眾山紅袖君攜三婦艷白頭我對一僧閒
游蹤異日摹團扇只在修篁古木間

九月望日泛月荔支灣同鍾鳳石張無山歸飲李

堯山春雨樓作

丹荔連村帶綠荷畫船日夜擁笙歌獨于冷節尋花塢
先愛閒行入柳波雲樹青蒼催暝易水天空濶占秋多
迴橈已是三更近月滿潮平奈汝何

題堯山畫竹

風雨清酣得意時堯山畫似芷灣詩矯然一筆凌空去
化作蒼龍未可知

卅載三登黃鶴樓風離雨合又羅浮詩篇得地疑神助
雲海稽天蕩別愁吹笛君爲江上客看花我負嶺南秋
一魁肯負名山業蒲礧泉聲入夢流

香蘇山館今體詩鈔卷十一終